

**Segun Ministro Presidente:**

# LEY A.Z.V. MESTER BINI DEFINITIVAMENTE

ORANJESTAD (AAN): For di dia cu a forma e Gobierno actual a pone den programa pa garantiza pueblo un tratamiento medico general, y pesey a traha un pakete basico obligatorio pa un y tur. Esey ta loke Ministro Presidente a relata encuanto e proyecto di ley di Aseguro Medico General (AZV).

Ministro Presidente a puntra ta kico ta sosode na Aruba, ya cu e ta kere cu discusion no ta bayendo den un bon rumbo.

E no ta kere cu tin gremio na Aruba cu ta contra introduccion di un AZV.

Hopi ta puntra ta kico ta e meta di AZV? Esaki segun Ministro Presidente ta trato a base di pakete minimo obligatorio pa tur hende igual. "Si bo kier mihor trato, anto bo mester busca mas."

El a muestra riba e hecho cu companianan di aseguro definitivamente ta nenga di acepta polisa di esnan di edad of cu tin malesa cronico.

"Nan ta nenga pa diferente argumento, y cu ora bo surpasa cierto suma bo ta ser saca for di e polisa tambe," el a bisa.

E Aseguro General si no

por haci comparacion como cu tur hende ta igual pa ley. Loke e AZV ta bisa cu lo tin igualdad medico den pakete medico. "Mi ta kere cu tur hende ta di acuerdo cu mester bini cu e ley."

Ministro Presidente a muestra riba e hecho cu Daniel Leo tabata prome hende den Bestuurscollege cu a yega di pidi ayudo di Hulanda pa cu e introduccion di esaki.

"Nos a mire den programa di otro partidonan. E meta di nos tur ta igual, solamente e caminda pa yega na dje ta diferente. E ley di aseguro aki ta algo cu mester bini

definitivamente," Ministro Presidente a bisa. El a agrega cu e lo ta bon pa ehersce control tambe riba cuidio medico na Aruba.

Gobierno di Aruba tin un meta cu e AZV aki, esta pa elimina e desigualdad cu ta existi aworaki den cuidio medico.

El a bisa na periodistanan: "Si bo ta un PPK Patient y bo yama aworaki pa busca un cita cerca docter, nan ta bisabo pa bini te aki tres siman. Pero si bo tin placa den bo saco y manda pidi un cita, nan ta bisabo bin awetardi mes."

Durante e conferencia di prensa semanal di Consejo di Ministranan, a ser treci dilanti cu Specialistanan awor kier haci comosifueran nan ta hendenan di mas sabi di Aruba.

Segun Ministro Ing. Laclé,

Gobierno tambe tin hopi hende sabi den servicio. Gobierno tin hopi economista sabi, hopi financista sabi, el a declara.

Aparentemente Ministro Presidente a tuma nota di e declaracionnan di specialistanan y mediconan, y el a bisa cu e ta contento cu mediconan awor ta sinta hunto, y su deseo ta cu ohala cu AZV por duna e "aanstoot" pa especialista y tur mediconan na Aruba pensa cu paciente ta na prome lugar y no material.

E ta spera cu awor ora cu nan ta trata un paciente hunto, cu nan por sinta hunto.

"Gobierno no tin interes pa ataca ningun medico," Ministro Presidente a bisa. Ni companianan di aseguro. "Companianan di aseguro no ta tuma tur hende pa sigura, pero AZV si lo haci esey."

**Evento grandi den fin di siman!**

## MILES DI HENDE LO PARTICIPA NA MARKETPLACE DI ARUBA

ORANJESTAD (AAN): Diadomingo lo ta e gran dia, caminda lo duna inicio na e evento grandi di "Caribbean Hotel Association Marketplace".

E evento aki ta estrictamente un evento di negoshi pa esnan envolvi den turismo pa Caribe.

Como parti di e programa, e evento di apertura ta carga e nomber di "A Taste Of Aruba", cual ta ser presenta pa AHATA y su miembronan y pa esaki nan lo transforma e area di piscina di La Cabana den un "showcase" pa

tur loke Aruba tin di ofrece pa cu cuminda, bebida, atraccion, cultura, musica, y mas.

AHATA a relata na DIARIO cu nan tin confianza cu e evento di apertura aki lo ta un "hit" y cu e ta algo cu lo worde corda hopi despues di Marketplace.

Un otro evento patrocina pa Aruba ta e cocktail party di despedida y su cena cual lo tuma lugar na Americana Aruba Beach Resort Diamars awor. Tradicionalmente e cena di despedida ta patrosina pa e destinacion, den e

caso aki Gobierno di Aruba pa medio di Direccion di Turismo.

Expectativanan pa Marketplace ta cu lo bay tin un total di mas di 1.000 delegado di diferente sector di industria turistico riba nos isla e fin di siman aki, y naturalmente AHATA ta contando riba e hospitalidad tradicional di Aruba pa haci nan estadia

riba e isla aki algo agradable y sin problema manera semper tabata e caso cu eventonan grandi cu ta tuma lugar riba e isla aki.

**Orden duna na Abogado di Dialuna awe**

## NELSON ODUBER TA BAY KEHA WATTY VOS

ORANJESTAD (AAN): Ministro Presidente Nelson Oduber a reacciona masha rabia mes pa un publicacion di un corant na color caminda nan ta yame un tipo di "cobarde" cu no ta mantiene su mes na su palabra y entrega keho contra Watty Vos.

Ministro Presidente a indica cu Dialuna caba el a pone su abogado Mr. Andresito Bikker di su deseo di cuminsa cu un caso contra Watty Vos, ora cu e ultimo aki a nenga di rectifica e declaracion haci.

El a bisa cu e ta bay keha Watty Vos cerca Juez pa e declaracion aki cu ta un insulto pa su persona. Dilanti prensa Oduber a bisa cu nunca y hamas den su bida el a yega di haye envolvi of ta complacere trafico di droga.

"Mi a ripara cu Watty Vos tur ora ta bisa cu ami tin man riba cabez di Ministro Hen-

drik Croes ora e ta envolvi den narcotrafico," Oduber a bisa.

Ministro Presidente a revela na prensa cu el a puntra Ministro Mr. Hirsch Ballin si Hulanda tin algun duda den Ministro di Justicia di Aruba, y e contesta cu el a ricibi ta cu hamas Hulanda su Gobierno of su Institucionnan di Justicia tin indicacion of informacion cu Ministro di Justicia Hendrik Croes ta den droga. E ta pidi pa otronan cu si tin informacion, bin cu ne anto dilanti.

"E cos aki no ta bon pa Aruba, ni pa gobernacion, pa nos decai di e nivel ey. Mi no por actua contra Ministro Hendrik Croes pasobra Hulanda ni Merca tin nada riba esaki," Oduber a bisa.

El a agrega cu Hirsch Ballin tin confianza enorme den Hendrik Croes, y cu no ta pornada cu Gobierno a haci hopi den 3 aña riba tereno di droga.

### Cempro-Technico n.v.

**RESULTADO CAMPAGNA DI CEMPRO TECHNICA N.V.  
di luna OCTOBER-NOVEMBER y DECEMBER 1991.**

Clientenan cu a haci compra durante e lunanan ariba mensiona y tin e siguiente bonnan di compra, por pasa na oficina di Cempro Technica N.V. na administratie cu e bon y nan ta hanja GRATIS e materialnan cu aparece riba e bon.

BONNAN GANADOR TA : No. 86008

87595

87680

87757

88024

22475

22767

22916

GERENTE

CEMPRO TECHNICA N.V.